

Noticia publicada en Diario Vasco sección Bidasoa, el martes día 3 de Junio de 2014

Irungo Bilduk Foru Aldundiaren Partaidetzazko aurrekontuetan esku hartzera deitzen du

-

- M.A.I. | IRUN.

3 junio 2014 00:18 Bidasoan Gipuzkoako Foru Aldundiak antolatutako Partaidetzazko Aurrekontuak ekimena bere lehen fasea hasi du. Herritarrek 500.000 euro zein proiektutan erabiltzea nahi duten erabakitzeke balio izango du prozesu hau. Irungo Bildu Udal taldeak «berritzaileak diren ekimenak inoiz baino garrantzitsuagoak» ikusten ditu orain «politika egiteko modua mugatu eta klase politikoa herritarrengandik urrundu egin denean. Aurrekontuak egiterako orduan boterea herritarrokin konpartitu eta hitza eta erabakia emanaz gauzak beste modu batera egiteko saioa» bezala ikusten du Udal talde politikoak ekimen hau. Partaidetzazko aurrekontuek duten «alde berritzaile eta iraultzailea ikusiz, agortutako eredu baten mugak eta kalteak konpontzeko beharra ulertuz eta etorkizuna irabazteko aukeran sinetsiz, halako inizatibak sortu eta bultzatu behar direla konbentziturata gaude» bide hori egitera bagoaz.

Gaur eta etzi

Bilduk, ekimen honen tailerrak «izaten ari diren arrakastagatik, Hondarribia eta Irungo herritarrek» zoriondu nahi izan zituen. Era berean, «oraindik parte hartu ez dutenei tailerretara bertaratu edo beste bideak erabiliz ekimenera batu daitezten» dei egin zien. Gaur, zazpietan, Urdanibia plazako Ospital zaharrean izango da hurrengoa, eta ostegunean, Mondragon Unibertsitatean, azkena.